

JAVNA USTANOVA ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO

Na osnovu člana 66. stav 1. Zakona o zdravstvenoj zaštiti („Službene novine Federacije BiH“, br. 46/10 i 75/13), Pravilnika o uvjetima u pogledu vrste završnog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove („Službene novine FBiH“, 77/17 i 61/21), člana 13. Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za zdravstvenu zaštitu žena i materinstva Kantona Sarajevo („Službene novine Kantona Sarajevo“, broj: 7/12), člana 25. i 35. Statuta Javne ustanove Zavod za zdravstvenu zaštitu žena i materinstva Kantona Sarajevo, (u daljem tekstu: Zavod) („Službene novine Kantona Sarajevo“, broj: 45/13, 47/13 i 31/16), te Odluke Upravnog odbora Zavoda broj: 10-650/2-07/24 od 08.04.2024. godine, raspisuje se

JAVNI OGLAS za izbor i imenovanje direktora Javne ustanove Zavod za zdravstvenu zaštitu žena i materinstva Kantona Sarajevo

Opis pozicije direktora

Organizuje rad i rukovodi radom Zavoda, zastupa i predstavlja Zavod prema trećim licima, odgovoran je za zakonitost rada Zavoda, predlaže Upravnom odboru mjere za efikasno i zakonito obavljanje djelatnosti, preduzima pravne i druge radnje, zastupa Zavod pred sudovima i drugim organima u okviru prava i odgovornosti koje proizilaze iz djelatnosti Zavoda, predlaže Upravnom odboru Pravilnik o radu, unutrašnjoj organizaciji, plaćama i naknadama radnika i sistematizaciji radnih mjesta, predlaže razvoj i unapređenje rada Zavoda kroz planove i programe rada, dostavlja nacрте normativnih akata Upravnom odboru, izvršava odluke Upravnog odbora, podnosi Upravnom odboru izvještaj o radu i finansijskom poslovanju, može dio svojih ovlaštenja prenijeti na drugo lice, odlučuje o pravima, obavezama i odgovornostima radnika (zasnivanje i prestanak radnog odnosa, disciplinska odgovornost i dr.), imenuje i razriješava dužnosti: odgovorne ljekare lokaliteta, službi, glavnu i odgovornu sestru, te ostala odgovorna lica, dio radnog vremena radi u ordinaciji, odgovornost: organizaciona, stručna, finansijska i materijalna, obavlja i druge poslove u skladu sa zakonom, Statutom i drugim općim aktima Zavoda.

Mandat

Mandat direktora Zavoda je četiri (4) godine.

Kandidati koji se kandiduju za navedenu poziciju dužni su ispunjavati slijedeće uslove:

- **Opći uvjeti:**
 - da je državljanin BiH (dokaz: uvjerenje o državljanstvu - original ili ovjerena kopija ne starije od šest mjeseci);
 - da je stariji od 18 godina (dokaz: izvod iz matične knjige rođenih – original ili ovjerena kopija
 - da ima opću zdravstvenu sposobnost za obavljanje navedene pozicije (dokaz: ljekarsko uvjerenje o radnoj sposobnosti ne starije od šest mjeseci); **Napomena:** Ovaj dokaz će dostaviti kandidat koji bude izabran za direktora;
 - da se na njega ne odnosi član IX.1. Ustava BiH – da nije pod optužnicom od strane Međunarodnog tribunala za bivšu Jugoslaviju (dokaz: izjava kandidata potpisana i ovjerena od strane nadležnog organa);
 - da nije otpušten iz državne službe kao rezultat disciplinske mjere na bilo kojem nivou u BiH (bilo koji nivo države ili entiteta) u period od tri godine prije objavljivanja upražnjene pozicije (dokaz: izjava kandidata potpisana i ovjerena od strane nadležnog organa);
 - da nije kažnjavan iz oblasti privrednog prestupa (dokaz : izjava kandidata potpisana i ovjerena od strane nadležnog organa)
 - da nije član upravnog odnosno nadzornog odbora niti jedne javne ustanove, odnosno drugog pravnog subjekta (dokaz: izjava kandidata potpisana i ovjerena od strane nadležnog organa);

- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH (dokaz: izjava kandidata potpisana i ovjerena od strane nadležnog organa);
- da nije angažiran na drugoj poziciji koja može uticati na eventualni sukob interesa i da ne postoje druge zakonske smetnje za obavljanje funkcije direktora (dokaz: izjava kandidata potpisana i ovjerena od strane nadležnog organa);
- **Posebni uvjeti:**
 - da ima završen medicinski fakultet (dokaz:ovjerena fotokopija diplome)
 - da ima najmanje pet godina radnog iskustva u struci (dokaz: potvrda o radnom iskustvu);
 - da je ljekar specijalista iz ginekologije i akušerstva (dokaz: ovjerena fotokopija uvjerenja o položenom specijalističkom ispitu ne starija od šest mjeseci);
 - da ima provjerene rezultate u pogledu stručnih, organizacionih i drugih radnih sposobnosti (dokaz: preporuka poslodavca);
 - da ima certifikat o obavljenju edukaciji iz zdravstvenog menadžmenta i to sva tri nivoa edukacije u skladu sa Pravilnikom o kontinuiranoj edukaciji iz zdravstvenog menadžmenta, (Službene novine FBiH”, broj 88/11, 82/13, 75/15, 77/17) odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta.
 - da ima Program rada i razvoja Javne Ustanove Zavod za zdravstvenu zaštitu žena I materinstva Kantona Sarajevo za izborni – mandatni period koji treba da sadrži prijedlog stručnih i ekonomskih parametara razvoja Ustanove

Uz prijavu na ovaj javni oglas kandidati, pored naprijed navedenih dokumenata dužni su dostaviti:

- **Program rada i razvoja u stručnom i ekonomsko finansijskom smislu Zavoda za mandatni period.**

Prilikom izbora kandidata na poziciju direktora Zavoda uzet će se u obzir priznanja i rezultati koje je kandidat do sada stekao na rukovodećim pozicijama. Svi kandidati koji budu stavljeni na listu užeg izbora bit će pozvani na intervju.

Javni oglas ostaje otvoren 15 dana od posljednjeg objavljivanja .

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata kao dokaz o ispunjavanju općih i posebnih uvjeta traženih ovim javnim oglasom.

Prijave sa traženim dokumentima dostavljaju se lično ili poštom preporučeno, u zatvorenoj koverti sa naznakom „**PRIJAVA NA JAVNI OGLAS ZA IZBOR I IMENOVANJE DIREKTORA JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO – NE OTVARAJ**“, na adresu JU Zavod za zdravstvenu zaštitu žena i materinstva Kantona Sarajevo, ul. Josipa Vancaša broj 1, Sarajevo.

Neblagovremene i nepotpune prijave neće biti razmatrane.

O Odluci o imenovanju direktora, obavještavaju se ostali učesnici oglasa najkasnije u roku od 8 dana od dana donošenja Odluke o imenovanju direktora Zavoda.

Svaki učesnik u javnom oglasu, u roku od osam dana od dana prijema obavještenja, može protiv Odluke o imenovanju direktora pokrenuti upravni spor pred nadležnim sudom.

Nakon završene procedure imenovanja, prijava i dokumentacija se neće vraćati kandidatima koji su aplicirali na ovaj javni oglas.

**UPRAVNI ODBOR
JU ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO**